



بسم الله الرحمن الرحيم

"رَبِّ أَدْخِلْنِي مُدْخَلَ صِدْقٍ وَأَخْرِجْنِي مُخْرَجَ صِدْقٍ وَاجْعَلْ لِي مِنْ لَدُنْكَ سُلْطَانًا نَصِيرًا"

[الإسراء: 80]

بسم الله الرحمن الرحيم وبه نستعين والصلاة والسلام على المبعوث رحمة للعالمين محمد بن عبد الله صلى الله عليه وآله وصحبه وسلم أما بعد:
حيّاك الله أختي الحبيبة أسأل الله تبارك وتعالى أن يجعل هذا اللقاء نافعا مباركاً طيباً إلى يوم الدين آمين يارب العالمين.



مهما كبرت أنا برضه صغير الجزء الثاني

كان فيه امرأة في الوسط الفني كان ابنها ماشاء الله لا قوة إلا بالله بيطلع من الأوائل ماشاء الله وكان مذيع في المخطات الإذاعية, وأول لما شافته كده بيطلع الأول وما شاء الله شاب في ريعان شبابه ومذيع ومشهور قاتله:

"إياك والغرور لأن الغرور أول طريق الفشل".

ياااه يعنى ممثلة وفنانة كان همها إن ابنها ميقاش مغرور, وكان همها إن ابنها يتوجه صح إياك والغرور إن الغرور أول طريق الفشل, عايزين نتعلم من ده إن أحنا ننصح أولادنا, ابنها الآن مشاء الله لا قوة إلا بالله كبير جداً, كبير في سمعته وكبير في شهرته وكبير سنا ماشاء الله تبارك الله, لكن لسه لحد الوقتي فاكروا لمامته الوصية اللي وصته بيها:

(إياك والغرور لأن الغرور أول طريق الفشل).



وصي ابنك زي كده اعمل جلسة أنت وأبنائك أو أنت اعملي جلسة وأغرس فيهم المعاني الجميلة مش شرط يسمعوها الآن للتو واللحظة, لكن بكره بفضل الله هتأثر فيهم

وأنتِ بكده بتنميههم وبتطوريهم بتساعدني في بناء جيل أو مجتمع ناجح بفضل الله لأن البداية منك أنتِ.

"المرأة نصف المجتمع وبدونها لا قيمة للنصف الآخر".

بكره ابنك يفتكر المعاني دي ويعلمها لأولاده.



سبحان الله الكلام الجميل يساوي المعروف, والمعروف نوع من أنواع البر أو هو البر نفسه, والبر لا يبلى, يبقى المعروف اللي أنتِ بتعمليه في أولادك بإذن الله لا يبلى, مش يقولوا أن الأقربون أولى بالمعروف, أغرسي معنى جميل جوه أبنك.

كلمي بنتك كويس قوليلها معنى حلو أوعي تنقضيها نقض سلمي, لأ..... أول ما تغلط أنصحيها وجيهاها فهميها وكلامك هيفضل راسخ في ودانها, وتهتمل بيه بفضل الله عز وجل أذكري موقف أذكري قصة أذكري حدوتة, أتكلمي معها كويس أحكي موقف من مواقف الصحابة أتكلمي عن أسم من أسماء الله الحسنى, أحكي موقف حصل معاكى زمان موقف أتعلمتي منه في المدرسة, أو موقف أنتِ عيشته مع أولادك أو موقف كان معاك مع جدودك أو أخوالك أو أعمامك, أحكي موقف من أرض الواقع أنتِ عشته.



بعد ما تحكي الموقف ده علق عليه تعليق ديني علشان تربط الاثنين ببعض متقدرش تفصل دينك عن حياتك عن أرض الواقع, لأن مش معقول هتحبس أولادك في بيتك وأنتِ مش معقول هتخطي بنتك في قمقم, مسيرها تطلع .. حتى لو طلعت معاكى للدكتور - لا قدر الله - بتطلع وبتشوف ناس وبتشوف وجوه فلازم تدرسيها حاجة من أرض الواقع ساعة مثلا أسبوعيا قاعدين مع بعض بتحكوا في حاجة معينة.

دايما لما حد بيجي ينصحك نصيحة مباشرة بتحسي إنك مش متقبلاها يعني مثلا البنت لو جت عملت موقف خطأ وأنتِ فضلتى تقرأها قدام الناس, البنت عارفة أن أنتِ معاكِ حق وأنتِ من جواكِ عارفة أنكِ معكِ حق, وبفطرتك كده زعقتي مباشرة من غير ما تأخدي بالك وكل الناس عارفين أن أنتِ معكِ حق.



لكن بنتك هتبقى حاسة بحاجتين:

الأولى: أنك صح أن أنتِ صح يا أمي علشان أنا عملت خطأ.
والحاجة الثانية: أنا حزينة أنتِ كسرتين يا أمي قدام الناس.

بنتك مش هتنسى الشعور ده أبدا وشعورها بالحزن ده هياثر عليها, هيخليها مش عارفة
تستجيب لتوجيهك أو لنصيححتك - غالبا - لكن وجهي برفق أنصحي برفق وأتكلمي
برفق بس بحزم يعني متبقيش لينة أوي ومتبقيش شديدة أوي,

بحزم في الوقت المناسب علشان كدة درس أسبوعي أو ساعة أسبوعية أو ساعة كل
أسبوعين مع بعض أنتِ وأولادك بتحكوا مع بعض بتطلعي اللي جواهرهم وهما بيطلعوا
اللي جواكي وتحكوا مع بعض وبتفضفضوا أفضل مائة مرة من نصيحة مباشرة قولي
كلام ونصائح وعبر لأولادك, حتى لو مكنوش محتاجينها الآن لكن على الأقل هتبنينهم
وهتبنين أفكارهم وهتبنين عقائدهم.



أبعدي المسلسلات والأفلام عن أولادك تماما أوعي تخربي عقلهم بالحاجات الباطلة دي
حتى لو كانت حرام أو مش حرام أو بغض النظر عن المادة اللي بتقدمها.
لكن فعلا هي شئ سبحانه الله بتهدم الإنسان جدا وتعلمه أشياء متناقضة وبتأثر سلبي
على شخصيته, وتعلمه حاجات مش لطيفة وممكن واحدة في 3 إعدادي مثلا سمعت
مسلسل تلاقيها متعلقة بالمدرس بتاعها بتاع ابتدائي, مجرد إنها سمعت قصة حب في
مسلسل ليه بتخربي بيتها وليه بتخربي عليها عقلها وقلبها.

رفقا بأولادك علميهم حاجة تنفعهم, هو أنتِ بتشوفي بنتك بتكلم إزاي أو نظامها إيه
أو بتشوفها جواهرها بتفكر إزاي؟؟؟ لا... فعلى شان كده أعملي بتر أو قطع من
المسلسلات والأفلام من بيتك خالص.



أنتِ أحكي مع أولادك وأنتِ أبقي مسلسلهم وأنتِ كوني حياتهم وعلمهم وخليهم يتعلموا صلة الأرحام ويكلموا أصحابهم وأحبهم برفق وبلين وبرقة وبأدب وبذوق وبوضوح وبصراحة وبلطف.

عشان يكونوا البذرة اللي أنتِ بذرتها عشان بكرة يقولوا الله يرحم اللي ربي.
وأنتِ اللي تعلمي أولادك صح عشان بكره يقولوا يرحم ماما أو يرحم بابا.
إنك تعملي جلسة أسبوعية أو جلسة كل أسبوعين مع أولادك ده جميل جدا ده يعلمهم وأنتِ ممكن تلاحظي منهم أنهم مش بيستجيبوا للكلام وما فيش تطبيق مباشر للنصائح أو ما فيش سماع للكلام اللي أنتِ بتقوليه، لكن والله بفضل الله تبارك وتعالى الكلام ده مش هيتنا وهيفضل وهيكون له أثر سواء شئت أم أبيت.
وأنصحهم لله لا تنتظري منهم حاجة مش علشان يقولوا أن أولادك أحسن ولاد ولا علشان يقولوا أن أولادك أحسن ولاد في المدرسة أو نضاف أو بيلبسوا غالي أو شيك، أنصحني لله تبارك وتعالى فقط لا تنتظري منهم شيء إطلاقاً.
تذكري:

" ما كان لله دام وأتصل وما كان لغير الله أنقطع وأنفصل".



بكره أولادك يثاثروا بكلامك وبشغلك وبنظامك وبقعدتك في البيت وبشعورك وبجريك على الصلاة أول ما الأذان يأذن وبقراءتك للقرآن، الحاجات دي، التصرفات دي هتربيهم بصمت بدون ما تتكلمي وبدون ما تتعبي، مش هتحتاجي تقولي أن الصلاة مهمة أو لما الظهر بيأذن بتركلي اللي في يدك وتقومى وتتوضي وتصلي مش هتحتاجي إنك توضحي لهم أن القرآن ده حاجة جميلة.
أو لما تكوني مضايقة بيشوفوكي جريتي على السجادة ركعتي ركعتين و قرأت آيتين أو صفحتين وهديت وارحت والحمد لله يا أولاد ده أنا بخير.

أنتِ فاكِرة ولادك مش بشر ولادك بيحسوا وبيشوفوكي ومهما تلفي هتفضلي صغيرة
وهما ولادك مهما كبروا هيفضلوا صغيرين, صغيرين طول ما هما متمسكين بالدنيا
وأوهمها, متمسكين بالخرافات اللي بتحصل حوالينا.



أوعي تكوني فاكِرة إنك لما تلي طلبات أولادك من مسلسل كارتون أو مثلاً من
الألعاب الغريبة اللي خطفت عقول الأولاد إنك كده بتربيههم؟؟
أولادك هيفضلوا صغيرين لأنهم متعلموش أي علم شرعي من البداية.
أولادك هيفضلوا صغيرين لأنهم لما بيوصلوا عشرين سنة بيندموا أنهم محفظوش قرآن من
الأول ليه بتجهديههم وتظلميههم.
سن العشرين دا له مهام تانية خالص غير إنهم لسه هيبداوا يحفظوا قرآن, أو لسه
هيقدموا في معهد علوم شرعية على انت مثلاً.



ليه تخليههم بعيدين عن الواقع , إحنا مش هنهرب من الواقع ده لأن ده واقعنا ولازم
نعيشه ولازم نفهم ديننا صح عشان نقدر نواكب ده ونواكب ده.
كبري ولادك بطاعة الله عز وجل خليههم محبوبين من الكل باحترامهم وبأدبهم وبطاعتهم
لله تبارك وتعالى, فهميههم أن ربنا هو بس الأساس فهميههم أن كل الدنيا إلى سراب إلا
إذا كنت عملت الحاجة دي لله, فهميههم أنهم يكونوا جمب بعض مترابطين يستحملوا
يصبروا على بعض ينصحوا بعض لله.

أنصحي أي حد شوفتيه أو هتشوفيه بغض النظر طلب منك نصيحة أو لأ والله
هتقعدلك والبر لا يبلى البر لا يبلى مش معقول والله, وأقسم بالله سبحانه الله لو تدبرت
حالك هتلاقي إنك أحياناً ربنا تبارك وتعالى كرمك الآن بحاجة الحاجة دي سبحانه تبارك
وتعالى كانت بتتدرج في حياتك من زمان.



هحكيلكم موقف واحدة أتصلت بيا من سنة تقريبا أو قبل رمضان اللي فات لما جت
أتصلت بيا أنا استغربتها خالص أنت مين ومنين وإزاي عرفت الرقم قالتلى الرقم من
صديقة, قتلها ماشي الحمد لله ربنا عز وجل من علينا وبقينا أصحاب ماشاء الله ولا
قوة إلا بالله, بعد فترة حسيت إن أنا مش هقدر أوفيهها حقها أو مش دائمة ليها بالمعنى
اللي أنتوا فهمينوا مش معقول كل شوية هتصل بيها من عندي مثلا طلبات مامتي ربنا
يبارك فيها وهي مثلا عندها حاجات عاوزة تأديها ومش في وقت بعض والوقت مش
هيكفي فعرفتھا على مجموعة من أصحابي, يشاء الله عز وجل إن صحبتي الجديدة دي
تعلم الثانية القرآن تحفظها القرآن, سبحان الله بعد ما الثانية حفظت القرآن يشاء الله
تبارك وتعالى أنها تشتغل معلمة في دار تحفيظ, شفت ربنا بيمهد لها إزاي هي الآن
مبسوطة بالمركز اللي هو وصلت له, إنها بتعلم الأطفال قرآن.



لكن شوفوا من كام شهر ربنا تبارك وتعالى بيجهزها للمهمة دي.
أوعي تيأسي من أي ابتلاء أوعي تيأسي من أي موقف حصلك في حياتك وأصبري
وأثبت وأعرفي إن ربنا تبارك وتعالى بيدبرلك أمرك ويسرلك أمرك.
لما حكيتلي القصة كنت هعيط ويقولها سبحان الله أنا لو منك بعد اللي حصل ده عمري
ما هحزن ثاني أبدا.
مش معقول ربنا بيمهديني ده كله ويبجهازولي ويهيأني لحاجة جميلة سبحانه تبارك وتعالى
وآجي أنا وأحزن, لا يمكن إزاي أحزن وربنا تبارك وتعالى بيدبر لي أمري سبحانه جل
جلاله.



خلي بالك من ولادك وخلي بالك من نفسك وخلي بالك من تصرفاتك.
وقولى الكلمة لله ولوجه الله وبصدق وأعرفي أن البر لا يبلى.
ونامي مسرورة وأوعي تحقدي على حد وعيشي مبسوطة
ولا إله إلا الله محمد رسول الله

سبحانك اللهم وبحمدك أشهد أن لا إله إلا أنت استغفرك وأتوب إليك
والسلام عليكم ورحمة الله وبركاته



تفريغ درس مهما كبرت أنا برضه صغير جزء 2

إيمان عبد الحميد أحمد

" هداية المصري أم أواب "

2017/2/1م



هداية تليجرام

<https://t.me/Hidyaa>

هداية تويتر

<https://twitter.com/0123Twba>

مكتبة نافعة

<https://archive.org/details/@eeeeeee>



الحمد لله الذي بنعمته تتم الصالحات